



# FRÓÐI

Október 2014

Fréttabréf Ingunnarskóla

## Nemendur skreyta skólalóðina

Nemendur í myndlistavali hafa verið að skreyta skólalóðina og mála á hana bæði París og skemmtilegar myndir í kringum gula bekkinn. Krakkarnir eru einstaklega hugmyndaríkir og vandvirkir.



## Morgunkaffispjall

Í vetur verður foreldrum Ingunnarskóla boðið reglulega í morgunkaffispjall með stjórnendum. Áhersla verður lögð á að fólk hafi tök á að ræða skólastarfið á frjálsglegan hátt og viljum við eindregið hvetja foreldra til að gefa sér tíma til að mæta á þessa fundi með okkur. Nú stýttist í fyrsta spjallið sem verður 10. nóvember hjá 1. bekk, 11. nóv. hjá 2. - 3. bekk, 12. nóv. hjá 4. - 5. bekk, 13. nóv. hjá 6. - 7. bekk og að lokum 14. nóv. hjá 8.-10. bekk. Spjallið byrjar kl. 8:15 og er til 9:00. Allar þessar upplýsingar er einnig að finna á skóla- og viðburðadagatali vetrarins á heimasíðu skólans.

Foreldrar eru alltaf velkomnir á samveru sem er á hverjum föstudegi klukkan 9:00-9:30. **Foreldrar eru alltaf velkomnir í skólann en það er góð regla að gera boð á undan sér við umsjónarkennara til kanna hvernig staðan er.** Minnum á nýja stefnu um foreldrasamstarf á heimasíðu skólans.

## 1. bekkur

Krílin okkar í 1. bekk eru búin að vera ótrúlega dugleg í stafavinnu og hendast áfram í lestrinum. Munar gríðarlega miklu hversu dugleg þau eru að æfa sig heima. Búið er að fönðra marga stafi og skreyta stofuna. Mikil smíðavinna hefur átt sér stað í listgreinum og uglur flöggra nú um stofuna og bátar búa sig til veiða. Í stöðvarvinnu eru þau að bauka við margvísleg verkefni svo sem orðagerð, skriftaráttina og formin. Þau vinna á stöðvum eins og þau hafi aldrei gert annað. Snillingar þar á ferð. Þau eru búin að kortleggja skólalóðina og vita nú upp á hár hvar má leika og hvar ekki.



## 4.-5. bekkur í Umhverfispema

Í þema í 4.-5. bekk er verið að vinna með plöntur og umhverfið. Þar lærum við meðal annars um uppbyggingu plantna, umhverfisvernd, flokkun, búum til slagorð og förum út í umhverfistengda leiki og verkefni. Við fórum í Grasa-garðinn og munum einnig heimsækja Sorpu.



## 2.-3. bekkur

Hjá 2. og 3. bekk er alltaf líf og fjör. Krakkarnir hafa verið duglegir að safna pökkum og hrósmiðum og hafa báðir bekkir þegar verið með eina umbun. Það er alltaf jafn spennandi þegar pökkarnir eru taldir, þeir sem fá það hlutverk vanda sig vel við það. Við drögum oft úr hrósmiðakrukkunni og hafa margir verið með heppnina með sér undanfarið. Sem dæmi um hrósmiðaumbun mátti ráða sæti í matsal og á svæði, taka með sér vin, sitja í hægindastólum okkar í krók og margt fleira. Það þarf oft ekki mikið til að gleðja krakkana.

Við höfum gaman af að fá fréttir að heiman ef eitthvað skemmtilegt er að gerast til dæmis ef fæðist systkini eða nýtt gæludýr bætist í hópinn. Við fengum senda mynd um daginn af nýfæddu systkini og sýndum krökkunum sem höfðu svo sannarlega gaman af.



## 8. bekkur lærir um mannslíkamann

Nýliðarnir í unglingadeildinni, áttundubekkingar, læra um mannslíkamann á haustönn í náttúrufræði. Kennslan fer fram í stöðvarvinnu, þar sem hópnum er skipt í þrjú teymi. Eitt teymið svarar spurningum í vinnubók, annað vinnur ýmis konar verkefni undir handleiðslu kennara og það þriðja hlýðir á ítarlega kynningu kennara á umfjöllunarefni hvers tíma. Eftir yfirferð kaflans um öndunarfærin var hópnum skipt „í bekki“ þar sem annar bekkurinn vann verkefni á bókasafni meðan hinn skoðaði svínslungu utan jafnt sem innan.

Svínslungna-skoðarar unnu vel og skipulega: skáru, skoðuðu og skráðu undir merkjum vísindalegrar nálgunar. Þau sem unnu verkefni á bókasafninu unnu sömuleiðis vel. Áttundubekkingar eiga hrós skilið fyrir framgöngu sína í þessu verkefni.

Að lokinni yfirferð næsta viðfangsefnið sem fjallar um hjarta skoða áttundubekkingar svínshjörtu.



## Réttarhöld hjá 10. bekk

*Réttarhöldin* er samþættingarverkefni í íslensku og náttúrufræði. Skipt var í sex manna hópa sem undirbyggju rök með eða á móti stóriðjuframkvæmdum. Nemendur stóðu sig mjög vel í þessari vinnu og var gaman að sjá hópana niðursökkna í vinnu við undirbúninginn. Flutningurinn var mjög áheyrilegur og vel undirbúinn. Þau öfluðu sér heimilda um stóriðjuframkvæmdir og þurftu síðan að standa fyrir máli sínu. Sumir voru sækjendur, aðrir verjendur og síðan komu vitni til sögunnar. Þarna reyndi á framsögn, rökhugsun og ritað mál ásamt því að kynna sér kosti og galla við stóriðju á Íslandi.





## Tankadagurinn

Tankadagurinn var að vanda haldinn hátíðlegur í Ingunnarskóla 10. október sl. Nemendum í 2.-9. bekk var skipt upp í litahópa og blandað saman þvert á aldur. Hóparnir fóru síðan á mismunandi stöðvar og unnu fjölbreytt verkefni svo sem spurningakeppni, vatnslitamálu, slagorða gerð, fuglafið, Tarzanleik, tanka-byggingar og *Minute to win it*. **Nemendur í 10. bekk sem aðstoðuðu á stöðvunum stóðu sig með þryði og allir skemmtu sér vel.**



Hver kann fuglafið?



Listamenn að störfum



Hvað er hægt að byggja stóran tank?



Einbeiting í spurningakeppni



Hvernig list þér á þetta slagorð fyrir vatn?

## Kökukeppni

Í tengslum við Tankadaginn var haldin fyrsta kökukeppni Ingunnarskóla en hún var fyrir nemendur 6.-10. bekkjar. **Þetta vakti mikla lukku hjá nemendum en alls voru 38 kökur skráðar í keppnina, hver annarri flottari.** Mjög mikill metnaður í gangi hjá krökkunum.

Dómnefnd átti í miklum erfiðleikum með að velja þrjú efstu sætin en dæmt var eftir útliti, bragði og frumleika. Í þriðja sæti var Krístrún í 8. bekk en hún var með einstaklega fallega rósaköku. Í öðru sæti voru Halldór Daði, Ólafur Benedikt og Tindri Freyr í 6. bekk en þeir voru með mjög bragðgóða tankaköku. Í fyrsta sæti voru Hafrún Birna, Jara Mjöll, Kara Nótt og Þuríður Rut í 9. bekk sem gerðu mjög frumlega og flotta köku sem sýndi jörðina.

Eftir keppnina fengu bakararnir að taka kökurnar inn á svæðin sín og gefa samnemendum að smakka. Keppnin tókst það vel að ákveðið var að hún verði framvegis árlegur viðburður í skólanum.



Fyrsta sæti



Annað sæti



Þriðja sæti

## Umhverfisnefnd 2014

Nú er búið að velja nemendur til starfa í umhverfisnefnd á þessu skólaári og munu þeir sem fyrr sjá um að fylgjast með hvort umhverfissáttmála Ingunnarskóla sé framfylgt. Ingunnarskóli er Grænfánaskóli og í umhverfissáttmála skólans er lögð áhersla á að starfsfólk og nemendur sýni umhverfinu virðingu, ábyrgð og vinsemd svo að okkur líði vel og börnin okkar eigi bjarta framtíð. Það gerum við meðal annars með því að allir kynnist og þekki nánasta umhverfi skólans og þeim fjölmörgu þáttum sem það býður uppá. Í skólanum er lögð áhersla á endurvinnslu og flokkun á rusli og reynt að draga úr rafmagnsnotkun eins og hægt er. Skólinn hefur sett reglur um nesti sem nemendur koma með og vonumst við til að foreldrar hjálpi okkur að fylgja þeim eftir.

- Við notum fjölnota umbúðir fyrir nesti
- Við komum ekki með fernur í skólann
- Við tökum nestisafganga með okkur heim
- Við borðum hollt nesti — ávexti og grænmeti.



## Skrekkur

Skrekkur er árleg hæfileikakeppni fyrir grunnskólanemendur í Reykjavík. Allir grunnskólar með unglíngadeild geta sent eitt atriði í keppnina. Fyrirkomulag keppinnar er að átta skólar keppa á þremur undanúrslitakvöldum í Borgarleikhúsinu og keppnin nær hámarki fjórða kvöldið þegar keppt er til úrslita. **Haustið 2014 fara undanúrslit fram 10., 11. og 12. nóvember og keppt verður til úrslita mánudaginn 17. nóvember í Borgarleikhúsinu.**

Eins og undanfarin ár mun Ingunnarskóli taka þátt í Skrekk. Undirbúningur er löngu hafinn og æfa nú nemendur stíft eigið leikverk, undir leikstjórn og handleiðslu Sigríðar Bjarkar Baldursdóttur. Við óskum nemendum okkar að sjálf-sögðu góðs gengis og vonum að þeim gangi sem allra best. Undanfarin tvö ár hefur Ingunnarskóli komist á úrslitakvöldið og að sjálf-sögðu er stefnan tekin þangað eins og alltaf. Nánari upplýsingar um tímasetningar koma fljótlega.



## 9. bekkur á Laugar

Víkuna 24. til 28. nóvember mun 9. bekkur Ingunnarskóla fara á Laugar. Ungmenna- og tómstundabúðirnar á Laugum í Dalabyggð eru reknar af Ungmennafélagi Íslands og eru þær ætlaðar nemendum 9. bekkinga grunnskólanna en þeir eiga möguleika á að dvelja þar frá mánudegi til föstudags við leik og störf.

Markmiðið með dvölinni á Laugum er að styrkja félagsfærni unglínga, efla vitund þeirra um umhverfi sitt og samfélag ásamt mikilvægi þess að hafa heilbrigðan lífsstíl að leiðarljósi. Nú þegar er hafinn undirbúningur hjá krökkunum sem um þessar mundir standa fyrir fjáröflun fyrir ferðina. Þessar ferðir hafa alltaf tekist einstaklega vel og skilja eftir sig skemmtilegar minningar auk þess að efla hópinn sem eina heild.

## Dagur íslenskrar tungu

Dagur íslenskrar tungu er 16. nóvember en undanfarin ár hafa Íslendingar haldið þann dag hátíðlegan í því skyni að leggja sérstaka rækt við íslenska tungu. Þessi dagur var valinn því hann er fæðingardagur Jónasar Hallgrímssonar, sem var eitt ástsælasta skáld þjóðarinnar. Í tilefni þessa dags munu nemendur Ingunnarskóla koma saman á sal föstudaginn 21. nóvember og halda daginn hátíðlegan. Undanfarin ár hefur farið fram ljóða- og smásagnasamkeppni meðal nemenda í tilefni dagsins og munum við halda því áfram í ár. Undirbúningur er að hefjast en veitt verða verðlaun fyrir besta ljóðið eða smásöguna á sal þennan dag.



## Virkt eftirlit á skólalóð og opnum rýmum skólans

Frá því í haust hefur verið unnið að því að auka virkt eftirlit í skólanum, á opnum rýmum og einnig á skólalóðinni. Virkt eftirlit er nafn á margþættri aðferð til að styðja við jákvæða hegðun ásamt því að leiðbeina nemendum. Í því eftirliti felst að viðkomandi starfsmaður er á hreyfingu um ákveðið svæði, skimar, heldur upp jákvæðum samskiptum við nemendur, leiðbeinir og reynir að grípa inn í áður en til árekstra kemur milli nemenda. Starfsmaðurinn er til staðar þannig að nemendur geta leitað til hans sé þess þörf. Allt starfsfólk skólans hefur fengið fræðslu um aukið og virkt eftirlit, sem við vonum að muni styðja við jákvæð og góð samskipti.



## Leyfisbeiðni

Umsjónarkennari hefur heimild til að gefa leyfi í tvo daga en sé óskað lengra leyfis skal sækja um það skriflega á skrifstofu skólans. Leyfið veitir þá skólastjóri eða aðstoðarskólastjóri. Þess er farið á leit að óskað sé tímanlega eftir leyfi sé þess nokkur kostur og ekki er hægt að biðja um leyfi eftir á. Á það jafnt við um styttri sem lengri leyfi. Ef nemendur mæta of seint á morgnanna án þess að sótt hafi verið um leyfi er það ávallt skráð sem fjarvist eða skráð sem seint. Foreldrar bera ábyrgð á námi barna sinna þann tíma sem þau eru fjarverandi frá skóla. Hægt er að nálgast eyðublað vegna leyfa á heimasíðu skólans.

## Skólaráð Ingunnarskóla

Skólaráð er samráðsvertvangur skólastjóra og skólasamfélags um skólahald. Í skólaráði sitja fulltrúar foreldra, kennara, nemenda, stjórnenda, samfélagsins og starfsmanna. Við hvetjum ykkur til að kynna ykkur hverjir sitja í ráðinu þetta skólaár á heimasíðu skólans undir flípanum nefndir og ráð. Foreldrar og nemendur geta leitað til sinna fulltrúa með mál sem varða skólastarfið.





## ORÐ-AF-ORÐI

Á starfsdögum í ágúst sátu kennarar fyrri hluta námskeiðs hjá Guðmundi Engilbertssyni, lektor í Háskólanum á Akureyri. Á námskeiðinu fengu kennarar að kynnast Orði af orði sem er hugmynda-, kennslu-, og aðferðafræði sem hefur það markmið að efla lesskilning og orðaforða nemenda. Verkefni eru fjölbreytt og reyna mjög á virkni nemenda og þeir eru mjög áhugasamir.



Eitt af markmiðum Ingunnarskóla er að efla enn betur lestrarfærni nemenda en verkefni sem byggjast á Orði af orði eru ein leið af mörgum til að ná því markmiði. Í góðu samstarfi við foreldra náum við árangri en aðkoma foreldra er gríðarlega mikilvæg meðal annars með því að fylgja heimalestri vel eftir og ræða við börnin sín um það sem er lesið og merkingu orða.

## Rósaballið

Rósaball Ingunnarskóla var haldið 2. október. Nemendur voru allir sem einn til **fyrirmyndar og stemningin „geggjuð“!**

Nemendur í 8. bekk og foreldrar þeirra biðu í mikilli spennu í fyrirpartýum um allt hverfi eftir að 10. bekkingar kæmu að sækja þá. Nemendur í 10. bekk eiga hrós skilið og stóðu sig mjög vel í gestgjafahlutverkinu, enda tilgangur ballsins að bjóða 8. bekinga formlega velkomna inn í félagslíf skólans. Það var gaman að fylgjast með þeim koma með 8. bekkingana, þrúðbúna og spennta í myndatöku. Við þökkum ykkur foreldrum fyrir að taka þátt og halda partý þar sem passað var upp á að allir væru velkomnir.

